



Sarajevo, 15.11.2022. godine  
MEDIJIMA

### **SAOPĆENJE ZA MEDIJE**

#### **Komisija pozdravila napredak u oblasti finansijske kontrole**

Ekonomske aktivnosti, fiskalna politika, aktivnosti u finansijskom te sektoru statistike bile su teme šestog sastanka Pododbora za ekonomska i finansijska pitanja i statistiku između Bosne i Hercegovine i Evropske unije koji je održan 14. i 15. 11. 2022. godine u online formatu. Sastankom je u ime BiH kopredsjedavala Vera Letica, pomoćnica ministra finansija i trezora BiH.

Konstatovano je kako se, nakon ekonomskog rasta prvih mjeseci, u nastavku 2022. godine u BiH osjetio uticaj događaja na globalnoj sceni na povećanje cijena, rast inflacije, rast vanjskotrgovinskog deficita itd. Predviđa se kako će BiH nastaviti slijediti ekonomske trendove u partnerskim ekonomijama te da će ekonomski rast BiH u periodu 2023 - 2025. godina biti smanjen.

Delegacija BiH je, između ostalog, informisala Komisiju da je usvojena Sveobuhvatna strategija upravljanja javnim finansijama 2021 - 2025., a što je jedan od bitnih koraka u realizaciji ključnog prioriteta broj 14 iz Mišljenja Evropske komisije.

Evropska komisija je pozdravila napredak koji je ostvaren u oblasti finansijske kontrole. Ocijenjeno je kako je postignut dobar napredak u ispunjavanju prošlogodišnjih preporuka, posebno vezano za provođenje strategije unutrašnje finansijske kontrole u javnom sektoru u oba entiteta. Podzakonski akti i metodologija su ažurirani, te se generišu konsolidovani godišnji izvještaji na svim nivoima vlasti.

Između ostalog, Komisija očekuje od institucija u BiH da unaprijede poslovno okruženje pojednostavljenjem administrativnih procedura, povećaju transparentnost i efikasnost javnog sektora, uključujući i javna preduzeća, blagovremeno objavljuju potpune i dosljedne podatke za cijelu zemlju, pogotovo u oblasti javnih finansija te ubrzaju modernizaciju nastavnih planova i programa s ciljem boljeg usklađivanja sa potrebama tržišta rada.

Komisija je istakla kako prepoznaje napore koje su statističke institucije u BiH uložile u provođenju probnog popisa poljoprivrede te je pozvala da se, u skladu sa planovima, popis poljoprivrede sprovede 2023. godine. Također, Komisija je pozvala da se usvoji plan za pripremu narednog popisa stanovništva.

Direkcija za evropske integracije